

En Epfadorf, jo do isch eser Hoamat

Da Necker, dea goht bei es mitta durchs Dorf
ond d'Eisabah rattert dazua.
Uff am Berg stoht s' Kapelle ond manchmol do hert mer
vom Kronagarda a Kuah.
Mer trifft sich am Latsche ond schwätzt mitanander
ond kauft, wa mer braucht, no schnell e.
Mer griaßt sich ond kennt sich ond des isch da Grund,
weaga deam isch es bei es so schee.

***En Epfadorf, jo do isch eser Hoamat,
weil do geits alles, was es so guat g'fellt,
en Epfadorf, jo do isch eser Hoamat,
des isch ganz sicher da schenschte Platz uff da Welt.***

Ob d'Schlichemklamm oder rond rom esre Felsa,
des Dorf lädt zom Wohlfühla e.
Dia Glocka, dia hert mer vom Kirchturm ra leita,
der bassd en's Dorfbild dre ne.
Ob alt oder jong, es send alle willkomma,
bei es, do spielt des koa Roll,
beim Schaffa ond Feschta, do haltad mir zemma,
des isch genau so, wia's se soll.

***En Epfadorf, jo do isch eser Hoamat,
weil do geits alles, was es so guat g'fellt,
en Epfadorf, jo do isch eser Hoamat,
des isch ganz sicher da schenschte Platz uff da Welt.***

Wer will, wird aktiv ond suacht sich an Vorei,
ond basst ganz sicher guat ne.
Noch Proba und Training, do sitzt mer no zemma,
ond kehrt mitanander no e.
Dia G'selligkeit isch es, wa s'Dorfleaba ausmacht,
ohne dia an Mensch gar nit ka,
ond s'Leaba isch so schee, wenn mer mitanand auskonnt,
drom staußad jetzt alle mit a.

***En Epfadorf, jo do isch eser Hoamat,
weil do geits alles, was es so guat g'fellt,
en Epfadorf, jo do isch eser Hoamat,
des isch ganz sicher da schenschte Platz uff da Welt.***

En Epfadorf...

Melodie: Die kleine Kneipe von Peter Alexander
Text: Petra Botzenhart